

Uhfim Schulwaige

„Feuerabfläherer fähr mieh aus,
Schmeißn Bahsn iebersch Haus! —
Hättstn ne geschmissn,
Doo wär a ne zerrissn!“

Su soang' de Rinner, wie se aus dr Schule heemkoamm. Su sing se ömmer an Bahlddurfe, wenn se an Feuerriepf sahn. Ar stoand ba Kießelchs Luid uhfim Daache. De Rinner goafft'n, bleeb'n a brinkl stiehn oder liffm ärschlich.¹⁾

A Feuerriepf is ömmer schunt anne huche Pärson, die merch oaschoon muß! 's woarrn o zwiene Jung' derbei, die huttn a jedr anne Bibl unnern Darne, eene so dicke os de anner und aus beedn Kanzeln naus boammelste a Bändl mit an Schwoamme droa, wu ees su lang woar os anner. Und hinne an Kanzn floapperte ba enn wie benn annern de Fadrkleppl, wenn se amo a boar Schriete weit troabb machtn.

Se ging' egoal minanner die zwiene Jung'. Dar eene woar Hausgs Emil. Wie se doo benn Hutscheteiche woarrn, soite Hausgs Emil ze dann annern: „War hoht'ch denn eegntlich heute öms Huur gemacht, Du hust ju goar su anne apoarte Frisur, gist do sinst egoal su bärtschlich öm de Loodn — mer tutt'ch ju goarndimmieh kenn!“

Doo soite dar anner — und doas woar ne erne su a „oarm' Ding“ ver dr Schumoann', 's woar dr Schulzn ihr Bruno, dann se o schunt mit dann „Ei und ei, iech wöll diech wiegn“ eigesung hutte: „Na, Emil, iech wöll dr amo woas soin, abr du doarfst's ne wettr soin, mer hoann eze an Summergoast aus Drasn und dar hoht'ch sicke gude Bumode und su a schie Huurbörschtl mittebrucht und doodrmitte toat mer de Mottr o mei Huur vürrichtn.“

„Dach su,“ soite Hausgs Emil, „ja, war sick Gelicke

¹⁾ rückwärts